

未辯貧賤無論富貴乃歌曰竹竿籊籊河水悠悠相忘爲樂  
貪餌含鈎非夷非惠聊以忘憂遂鼓枻而去

### 道開食麓石坦衣弊

茹亭記單道開惡食惡衣不畏飢寒好山居而山神木精屢  
試之而不懼後遷入羅浮山獨處茅茨蕭然物外百餘歲尸  
解

晉逸史石坦自稱北海人居無定所不營定所不求美衣衣  
弊或有與之者則反施於人或送葬杖策而吊之路無遠  
近時無寒暑必在其中同時同日皆至焉人莫測以爲神明  
後不知所在

### 道藏輯要

三洞羣仙錄

卷

翼集四

### 司馬白雲巫談紫氣

神仙傳司馬承禎善篆別爲一體名爲金剪刀書隱居天台  
玉霄峰號白雲子睿宗召見旣歸朝士賦詩送之盈編自號  
爲白雲記

又漢駙馬都尉巫談字子都北海人也漢武帝出子都見於  
渭橋其頭上有紫氣帝召問君年幾何對曰臣年一百三十  
八歲帝問東方朔朔曰此君有陰道之術武帝屏左右問之  
子都曰臣昔年六十五有時腰痛口燥舌燥涕出得此以來  
七十三年有子三十六人身健如少武帝受其術不盡然壽  
最勝別帝